

Inatsisartut Suleriaasianni §36, imm. 1 naapertorlugu Naalakkersuisunut apeqqu matumuuna saqqummiuppara:

Ataani paasissutissat aallaavigalugit 1. januar 2006 aallarnefigalugu Ivittuut qulimiguulinnit soq aqqusaarneqartarunnaassanersoq erseqqissumik paatsoorneqarsinnaanngitsumillu akissuteqarfigeqquara, paasisakkami naapertorlugit aningaasartuutaasunut tunngasunik misissuisoqarsimannngimmat.

Piffissaq iluatsillugu Grønlands Kommando-mut 8. august 2005 nutaamik timmisartuussisoqartalernissaa pillugu allagaqareernikkut soq ”killormut mumittoqarsimanersoq” akissuteqarfigeqqussavara.

(Inatsisartuni ilaasortaq Kim Kielsen, Siumut)

Tunngavilersuut:

Air Greenland-ip Paamiunut, Kangilinnguanut Narsarsuarmullu timmisartuussisarnerata allangortinneqarneranut atatilugu paasitinneqarpunga Kangilinnguit miffigineqartarunnaarniarpoq, naak 2005-mi aasaanerani allangortoqassanngitsaq timmisartuussisarnerlu ingerlaannassasoq Grønlands Kommando-mi sulisunut allakkatigut kalerriunneqarsimagaluartoq.

Taamaattoq november/december 2005-imi Grønlands Kommando allakkatigut nalunaarfigineqarsimavoq, tamatumuuna patsisigineqarluni Kangilinnguit nunaqarfinnut allanut sanilliullugu pitsaanerusumik pineqarsinnaanngimmat.

Erseqqissaatigissavara Kangilinnguit Ivittuup Kommuniani inissisimammat, illoqarfiup nunaqarfiullu akornanni aqqusineqarluni, kiisalu Ivittut nunaqarfittut naatsorsuusaaanngimmat imikkulli kommuniulluni.

Timmisartuussisarneq pisara isumaga naapertorlugu nunap immikkoortuani attaveqarnermut pingaaruteqarlunnarpoq. Ilaasut Arsummeersut, Kangilinnguaneersut Ivittuuneersullu avinngarusimasumiittutut isigisariaqartut timmisartuussisarnernik pisariaqartitsillunnarput, ukiuuneranilu tamanna pisariaqavittarpoq nunatta anorersuallaqqinnerpaasa oqquiffissaqarfiunngitsullu imartaani umiatsiaaqqat atorneqarsinnaanngilluinnarmata – tamannalumi illersorneqarsinnaanani.

Qulimiguulik Air Greenland-ip ingerlassaa avannamut kujammullu ingerlanermini pinngitsoorani Ivittuut qulaattariaqartarjaa, taamaammallu tassunga akunninnissaa pissusissamisoorluinnarpoq.

Piaartumik akissutisinissara kissaatigissavara, kingusinnerpaamillu 30. december 2005.